



尚書正讀

坤

口仁/2  
2436  
2止



2436  
2止



古文尚書正讀下

越前蔣田貞句讀 男 岳校

周書

大誓上

惟十有一年。武王伐殷。一月戊午。師渡孟津。作大誓三篇。

惟十有三年春。大會于孟津。王曰。嗟我友邦。豕君。越我御事。庶士。明聽誓。惟天地萬物。父母。惟人。萬物之靈。亶聰明。作元后。元后作民。父母。今商王受。弗敬上天。降災下民。沈湎冒

天作泰者非

明勉也

母后受韻大民  
韻色唐族服辭  
与世樹叶

古文尚書正讀 卷下 大誓上 周書 大誓上 三篇

陂音碑池也又澤鄣也月今母澆陂池灌夫傳陂池田園姓良韻婦怒考威通韻集發韻又相叶君商心通韻

色敢行暴虐罪人以族官人以世惟宮室臺榭陂池侈服以殘害于爾萬姓焚炙忠良剝剔孕婦皇天震怒命我文考肅將天威大勳未集肆予小子發以爾友邦冢君觀政于商惟受罔有悛心乃夷居弗事上帝神祇遺厥先宗廟弗祀犧牲粢盛既于凶盜乃曰吾有民有命罔懲其侮天佑下民作之君作之師惟其克相上帝寵綏四方有罪無罪予曷敢有越厥志同力度德同德度義受有臣億萬惟億萬心予有臣三千惟一心商罪貫盈天

命誅之予弗順天厥罪惟鈞予小子夙夜祗懼受命文考類于上帝宜于冢土以爾有眾底天之罰天矜于民民之所欲天必從之爾尚勸予一人永清四海時哉弗可失

大誓中

惟戊午王次于河朔羣后以師畢會王乃徇師而誓曰烏呼西土有衆咸聽朕言我聞吉人爲善惟日不足凶人爲不善亦惟日不足今商王受力行無度播棄鞶老昵比罪人滯酬肆虐臣下化之朋家作仇脅權相滅無辜

多用韻讀不暇指示

浮過也

襲訓合

戎大也詩大明云變伐大商是也

揚疆張光于殘通韻

顓天穢德彰聞惟天惠民惟辟奉天有夏桀弗克若天流毒下國天乃佑命成湯降黜夏命惟受罪浮于桀剝喪元良賊虐諫輔謂亡有天命謂敬不足行謂祭無益謂暴無傷厥監惟不遠在彼夏王天其以予人民朕夢協朕上襲于休祥戎商必克受有億兆夷人離心離德予有亂臣十人同心同德雖有周親不如仁人天視自我民視天聽自我民聽百姓有過在予一人今朕必往我武惟揚侵于之疆取彼凶殘我伐用張于湯有光勗哉夫

子罔或無畏寧執非敵百姓懍懍若崩厥角烏呼乃一德一心立定厥功惟克永世

大誓下

時厥明王乃大巡六師明誓衆士王曰烏呼我西土君子天有顯道厥類惟彰今商王受狎侮五常荒怠弗敬自絕于天結怨于民前朝涉之脛剖賢人之心作威殺戮毒痛四海崇信姦回放黜師保屏棄典刑囚奴正士郊社不修宗廟不享作奇技淫巧以悅婦人上帝弗順祝降時喪爾其孜孜奉予一人共行

康誥于弟弗念天顯乃弗克恭厥兄

二句古語后辭的

迪用也見前登成也

天罰古人有言曰撫我則后虐我則讎獨夫受洪惟作威乃女世讎樹德務滋除惡務本肆予小子誕以爾衆士殄殲乃讎爾衆士其尚迪果毅以登乃辟功多有厚賞不迪有顯戮烏呼惟我文考若日月之照臨光于四方顯于西土惟我有周誕受多方予克受非予武惟朕文考無罪受克予非朕文考有罪惟予小子無良

牧誓

武王戎車二百兩虎賁三百人與受戰于

牧野作牧誓

時甲子昧爽王朝至于商郊牧野乃誓王左杖黃鉞右秉白旄以麾曰逖矣西土之人王曰嗟我友邦冢君御事司徒司馬司空亞旅師氏千夫長百夫長及庸蜀羌髡微盧彭濮人稱爾戈比爾干立爾矛予其誓王曰古人有言曰牝雞無晨牝雞之晨惟家之索今商王受惟婦言惟用昏棄厥肆祀弗答昏棄厥遺王父母弟不迪乃惟四方之多罪逋逃是崇是長是信是使是以爲大夫卿士俾暴虐

晨与索叶韵

昏讀爲泯

勗與冒同詳君

往既往也

翼當作豎衛包

所改也

于百姓以姦究于商邑。今予發惟共行天之  
罰。今日之事不愆于六步七步。乃止齊焉。夫  
子勗哉。不愆于四伐五伐六伐七伐。乃止齊  
焉。勗哉夫子。尚桓桓如虎如貔如熊如羆于  
商郊。弗御克奔。以役西土。勗哉夫子。爾所弗  
勗。其于爾躬有戮。

武成

武王伐殷。往伐歸獸。識其政事。作武成。  
惟一月壬辰。苟死魄。越翼日癸巳。王朝步自  
周。于征伐商。厥四月。哉生明。王來自商。至于

駭速也  
若乃見前

豐。乃偃武修文。歸馬于華山之陽。放牛于桃  
林之野。示天下弗服。丁未。祀于周廟。邦甸侯  
衛。駿奔走。執豆籩。越三日庚戌。柴望。大告武  
成。既生魄。庶邦冢君暨百工。受命于周。王若  
曰。烏呼。羣后。惟先王建邦啓土。公劉克篤前  
烈。至于大王。肇基王迹。王季其勤。王家我文  
考。文王克成厥勳。誕膺天命。以撫方夏。大邦  
畏其力。小邦懷其德。惟九年。大統未集。予小  
子。其承厥志。底商之罪。告于皇天后土。所過  
名山大川。曰。惟有道曾孫周王發。將有大正。

主与注同聚也  
周禮獸人及弊  
田令禽注于虞  
中是也間押韵

昭見也

干或作杆俗本  
誤作杵孟子亦  
作杵依尚書誤  
也

壹俗本作一誤  
也壹是壹戎大  
也衣殿之轉康  
詰作殪戎殿是  
也

于商。今商王受無道暴殄天物。害虐烝民。爲  
天下逋逃。主萃淵藪。予小子既獲仁人。敢祗  
承上帝。以遏亂畧。莘夏蠻貊。罔不率俛。共天  
成命。肆予東征。綏厥士女。惟其士女。篚其玄  
黃。昭我周王。天休震動。用附我大邑周。惟爾  
有神。尚克相予。以濟兆民。無作神羞。既戊午。  
師逾孟津。癸亥。陳于商郊。俟天休命。甲子。昧  
爽。受率其旅。若林。會于牧野。罔有敵于我師。  
前徒倒戈。攻于後。以比。血流漂杵。壹戎衣。天  
下大定。乃反商政。政由舊。釋箕子。囚。封比干。

位也

墓。式商容。閭散鹿臺之財。發鉅橋之粟。大賚  
于四海。而萬姓悅服。列爵惟五。分土惟三。建  
官惟賢。位事惟能。重民五教。惟食喪祭。惇信  
明義。崇德報功。垂拱而天下洽。

洪範

武王勝殷。殺受。立武庚。以箕子歸。作洪範。  
惟十有三祀。王訪于箕子。王乃言曰。烏呼。箕  
子。惟天陰隲下民。相協厥居。我不知其彝倫。  
攸敘。箕子乃言曰。我聞在昔。鯀陞洪水。汨陳  
其五行。帝乃震怒。不畀洪範九疇。彝倫攸斁。

馬云陰覆也。隲  
外也。居敘作散

斁一作釋一作  
釋說文釋散也

鄭云農讀為醜  
孔云協和也

倫攸敘用上十一句用韻

初一日五行次二曰敬用五事次三曰農用  
八政次四曰協用五紀次五曰建用皇極次  
六曰用人用三德次七曰明用稽疑次八曰念  
用庶徵次九曰嚮用五福威用六極一五行  
一曰水二曰火三曰木四曰金五曰土水曰  
潤下火曰炎上木曰曲直金曰從革土爰稼  
穡穡作甘二五事一曰貌二曰言三曰視四

謀與敏同敏古  
讀如每謀古讀  
如媒謀敏聲相  
近通用

皇極章皆用韻

曰聽五曰思貌曰恭言曰從視曰明聽曰聰  
思曰睿恭作肅從作乂明作哲聰作謀睿作  
聖三八政一曰食二曰貨三曰祀四曰司空  
五曰司徒六曰司寇七曰賓八曰師四五紀  
一曰歲二曰月三曰日四曰星辰五曰曆數  
五皇極皇建其有極斂時五福用敷錫厥庶  
民惟時厥庶民于女極錫女保極几厥庶民  
無有淫朋人無有比德惟皇作極几厥庶民  
有猷有爲有守女則念之不協于極不離于  
咎皇則受之而康而色曰予攸好德女則錫



斯猶及其猶尚  
庶幾也下同  
明行昌為韻  
穀與家辜叶家  
古音姑好咎與  
福叶  
德字古文皆無  
因孔傳誤增入  
也破頗同  
頗義為韻好道  
為韻惡路為韻  
黨蕩為韻偏平  
為韻側直為韻

訓順也古通用

之福時人斯其惟皇之極無虐榮獨而畏高  
明人之有能有為使羞其行而邦其昌凡厥  
正人既富方穀女弗能使其好于而家時人  
斯其辜于其無好德女雖錫之福其作女用  
咎無偏無陂遵王之義無有作好遵王之道  
無有作惡遵王之路無偏無黨王道蕩蕩無  
黨無偏王道平平無反無側王道正直會其  
有極歸其有極曰皇極之敷言是彝是訓于  
帝其訓凡厥庶民極之敷言是訓是行以近  
天子之光曰天子作民父母以為天下王六

三德章用韻

三德一曰正直二曰剛克三曰柔克平康正  
直彊弗友剛克爰友柔克沈潛剛克高明柔  
克惟辟作福惟辟作威惟辟玉食臣無有作  
福作威玉食臣之有作福作威玉食其害于  
而家凶于而國人用側頗僻民用僭忒七稽  
疑擇建立卜筮人乃命卜筮曰雨曰霽曰蒙  
曰騫曰克曰貞曰悔凡七卜五用二衍忒  
立時人作卜筮三人占則從二人之言女則  
有大疑謀及乃心謀及卿士謀及庶人謀及  
卜筮女則從龜從筮從卿士從庶民從是之

古蒙作蒙驛作  
團悔作針  
衍忒差實不相  
值也

逢大也，子從同，彊爲韻。

謂大同身其康彊子孫其逢吉汝則從龜從筮從卿士逆庶民逆吉庶民從龜從筮從女則逆卿士逆吉女則從龜從筮逆卿士逆庶民逆作內吉作外凶龜筮共違于人用靜吉用作凶八度徵曰雨曰暘曰燠曰寒曰風曰時五者來備各以其敘庶艸蕃庶一極備凶一極無凶曰休徵曰肅時雨若曰乂時暘若曰晷時燠若曰謀時寒若曰聖時風若曰咎徵曰狂恒雨若曰僭恒暘若曰豫恒燠若曰急恒寒

備敘庶無爲韻

豫又作舒

蒙可作蒙

既盡也

若曰蒙恒風若曰王省惟歲卿士惟月師尹惟日歲月日時無易百穀用成乂用明俊民用章家用平康日月歲時既易百穀用不成乂用昏不明俊民用微家用不寧庶民惟星星有好風星有好雨日月之行則有冬有夏月之從星則以風雨九五福一曰壽二曰富三曰康寧四曰攸好德五曰考終命六極一曰凶短折二曰疾三曰憂四曰貧五曰惡六曰弱

壽富爲韻與德叶寧命爲韻折疾爲韻憂與貧叶惡弱爲韻

武王既勝殷邦諸侯班宗彝作分器鄭云分器

旅獒

西旅獻獒太保作旅獒

鄭云旅獒逸

惟克商遂通道于九夷八蠻西旅厥獒  
大保乃作旅獒用訓于王曰烏呼明王慎德  
四夷咸賓無有遠邇畢獻方物惟服食器用  
王乃昭德之致于異姓之邦無替厥服分寶  
玉于伯叔之國時庸展親人不易物惟德其  
物德盛不狎侮狎侮君子罔以蓋人心狎侮  
小人罔以盡其力不役耳目百度惟負玩人  
喪德玩物喪志志以道寧言以道接不作無

賢安為韵

允乃施用也

益害有益功乃成不貴異物賤用物民乃足  
犬馬非其土性不畜珍禽奇獸不育于國不  
寶遠物則遠人格所寶惟賢則邇人安烏呼  
夙夜罔或不勤不矜細行終累大德為山九  
仞功虧一簣允迪茲生民保厥居惟乃世王  
巢伯來朝芮伯作旅巢命鄭云旅巢命

金縢

武王有疾周公作金縢

既克商二年王有疾弗豫二公曰我其為王  
穆卜周公曰未可以戚我先王公乃自以為

周書文酌解三  
穆一絕靈破城  
二筮奇昌為三

龜從惟凶惠半  
農云三穆即所  
謂穆卜

考巧古字通  
若而也語之轉  
仁若考者仁而  
巧也

已上冊辭用韵

功為三壇同墀為壇於南方北面周公立焉  
植璧秉珪乃告大天王季文王史乃冊祝曰  
惟爾元孫某邁厲虐疾若爾三王是有丕子  
之責于天以且代某之身予仁若考能多材  
多藝能事鬼神乃元孫不若且多材多藝不  
能事鬼神乃命于帝庭敷佑四方用能定爾  
子孫于下地四方之民罔不祗畏烏呼無墜  
天之降寶命我先王亦永有依歸今我即命  
于元龜爾之許我我其以璧與珪歸俟爾命  
爾不許我我乃屏璧與珪乃卜三龜一習吉

啓籥見書乃弁是吉公曰體王其罔害予小  
子新命于三王惟永終是圖茲攸俟能念予  
一人公歸乃納冊于金滕之匱中王翌日乃  
瘳此止于武王既喪管叔及其羣弟乃流言於  
國曰公將不利於孺子周公乃告二公曰我  
之弗辟我無以告我先王周公居東二年則  
罪人斯得于後公乃為詩以詒王名之曰鴟  
鴞王亦未敢誦公秋大熟未穫天大雷電以  
風木盡偃大木斯拔邦人大恐王與大夫盡  
弁以啓金滕之書乃得周公所自以為功代

斯盡也

新讀為親

武王之說一公及王乃問諸史與百執事對曰信噫公命我勿敢言王執書以泣曰其勿穆卜昔公勤勞王家惟予冲人弗及知今天勤威以彰周公之德惟朕小子其新逆我國家禮亦宜之王出郊天乃雨反風禾則盡起二公命邦人凡大木所偃盡起而築之歲則大熟

大誥

武王崩二監及淮夷叛周公相成王將黜殷作大誥

若義見前

猷於也一本猷字在誥字之上或置大字之上有讀為又

賁音奔忘亡回

紀今文作犯是鄙當作圖今指事之詞讀為是○于往也或称寧武或称寧考或寧王或寧人或前寧人

王若曰大誥猷爾多邦越爾御事弗弔天降割于我家不少延洪惟我幼冲人嗣無疆大歷服弗造哲迪民康矧曰其有能格知天命已予惟小子若涉淵水予惟往求朕攸濟敷賁敷前人受命茲不忘大功予不敢閉于天降威用寧王遺我大寶龜紹天明即命曰有大艱于西土西土人亦不靜越茲蠢殷小腆誕敢紀其敘天降威知我國有疵民不康曰予復反鄙我周邦今蠢今翼日民猷有十夫予翼以干救寧武圖功我有大事休朕卜并

寧人或前寧人

大誥

大誥

因書

王  
□前人皆稱武

吉肆予告我友邦君越尹氏庶士御事曰予  
得吉卜予惟以爾庶邦于伐殷逋播臣爾庶  
邦君越庶士御事罔不反曰艱大民不靜亦  
惟在王宮邦君室越予小子考翼不可征王  
害不違卜肆予冲人永思艱曰烏呼允蠢鯀  
寡哀哉予造天役遺大投艱于朕身越予冲  
人不卬自恤義爾邦君越爾多士尹氏御事  
綏予曰無恣于恤不可不成乃寧考圖功已  
予惟小子不敢替上帝命天休于寧王興我  
小邦周寧王惟卜用克綏受茲命今天其相

綏繼也

若如此也

極亟古字通

肆訓故或訓今

且底定止也乃猶  
一本肯構下多  
厥考云云十一字  
翼衍字  
兄古況字考成  
也

民矧亦惟卜用烏呼天明畏矧我不丕其王  
曰爾惟舊人爾丕克遠省爾知寧王若勤哉  
天閱恣我成功所予不敢不極卒寧王圖事  
肆予大化誘我友邦君天棐忱辭其考我民  
予曷其不于前寧人圖功攸終天亦惟用勤  
恣我民若有疾予曷敢不于前寧人攸受休  
畢王曰若昔朕其逝朕言艱日思若考作室  
既底法厥子乃弗肯堂矧肯構其父菑厥子  
乃弗肯播矧肯穫厥考翼其肯曰予有後弗  
棄基肆予曷敢不越卬救寧王大命若兄考

古文尚書

卷下

十一

因震堂藏版

勸勉也

告字可刪哉句  
中語助也

爽勉迪者詞之  
用也越猶惟  
誕鄰大近也

干者往也

乃有友伐厥子。民養其勸弗救。王曰：烏呼！肆  
告哉！爾庶邦君越爾御事。爽邦由哲，亦惟十  
人迪知上帝命。越天棐忱，爾時罔敢易法。矧  
今天降戾于周邦，惟大艱，人誕鄰。啓伐于厥  
室，爾亦不知天命不易。予永念曰：天惟喪殷，  
若稽夫。予曷敢不終朕畝，天亦惟休于前寧  
人。予曷其極！卜敢弗于從，率寧人有指疆土。  
矧今卜并吉，肆朕誕以爾東征，天命不僭。卜  
陳惟若茲。

微子之命 鄭云

成王既黜殷命，殺武庚，命微子啓代殷後  
作微子之命。

猷下脫誥字  
猷于也見前

王若曰：猷！殷王元子，惟稽古崇德，象賢統  
承先王，修其禮物，作賓于王家，與國咸休，永  
世無窮。烏呼！乃祖成湯，克齊聖廣淵，皇天眷  
佑，誕受厥命，撫民以寬，除其邪虐，功加于時。  
德垂後裔，爾惟踐修厥猷，舊有令聞，恪慎克  
孝，肅恭神人。予嘉乃德，曰：篤！不忘上帝時歆，  
下民祗協，庸建爾于上公。予茲東夏，欽哉！往  
敷乃訓，慎乃服命，率由典常，以蕃王室。弘乃

時承也

毗輔也

烈祖律乃有民永綏厥位毗予一人世世享德萬邦作式俾我有周無斃烏呼往哉惟休無替朕命

旅陳也

唐叔得禾異畝同穎獻諸天子王命唐叔歸周公于東作歸禾周公既得命禾旅天子之命作嘉禾鄭云亡

康誥

成王既伐管叔蔡叔以殷餘民封康叔作康誥酒誥梓材

惟三月哉生魄周公初基作新大邑于東國

洪亦大也

洛四方民大和會侯甸男邦采衛百工播民和見士于周周公咸勤乃洪大誥治王若曰孟侯朕其弟小子封惟乃不顯考文王克明德慎罰不敢侮鰥寡庸庸祗祗威威顯民用肇造我區夏越我一二邦以修我西土惟時怙冒聞于上帝帝休天乃大命文王殪戎殷誕受厥命越厥邦厥民惟時敘乃寡兄勗肆女小子封在茲東土王曰烏呼封女念哉今治民將在祗適乃文考紹聞衣德言往敷求于殷先哲王用保乂民女不遠惟商考成人

怙大也冒憖也

越者承上起下之詞

將猶乃通古述字衣與依同紹經也敷偏也



別與辯通辯備  
也由者於

小與懋為韻

宅與度通

宅心知訓別求聞由古先哲王用康保民弘  
于天若德裕乃身不廢在王命王曰烏呼小  
子封惘瘵乃身敬哉天畏棗忱民情大可見  
小人難保往盡乃心無康好逸豫乃其又民  
我聞曰怨不在大亦不在小惠不惠懋不懋  
已女惟小子乃服惟弘王應保殷民亦惟助  
王宅天命作新民王曰烏呼封敬明乃罰人  
有小罪非皆乃惟終自作不典式爾有厥罪  
小乃不可不殺乃有大罪非終乃惟皆災適  
爾既道極厥辜時乃不可殺王曰烏呼封有

惟猶乃

又曰二字蓋衍  
文

今俗本無外事  
二字以王裁撰  
異本補之是六  
字重出改端發  
之重刑殺也○  
次荀子作即

懋惡也下同

敘時乃大明服惟民其勑懋和若有疾惟民  
其畢棄咎若保赤子惟民其康乂非女封刑  
人殺人無或刑人殺人非女封又曰劓刑人  
無或劓刑人王曰外事女陳時臬司師茲殷  
罰有倫又曰要囚服念五六日至于旬時不  
蔽要囚王曰外事女陳時臬事罰蔽殷彝用  
其義刑義殺勿庸以次女封乃女盡遜曰時  
敘惟曰未有遜事已女惟小子未其有若女  
封之心朕心朕德惟乃知凡民自得罪寇攘  
姦宄殺越人于貨瞽不畏死罔弗懲王曰封

大誓下天有顯  
道厥類惟彰今  
商王受狎侮五  
常  
爭矜也  
政正同

義一作誼與宜  
通率用也見前

元惡大慝矧惟不孝不友子弗祗服厥父事  
大傷厥考心于父不能字厥子乃疾厥子于  
弟弗念天顯乃弗克恭厥兄兄亦不念鞠子  
哀大不友于弟惟予茲不于我政人得罪天  
惟與我民彝大泯亂曰乃其速由文王作罰  
刑茲無赦不率大戛矧惟外庶子訓人惟厥  
正人越小臣諸節乃別播敷造民大譽弗念  
弗庸瘵厥君時乃引惡惟朕慙已女乃其速  
由茲義率教亦惟君惟長不能其家人越厥  
小臣外正惟威惟虐大放王命乃非德用人

爽發聲也  
惟思也

戾定止也  
迪詞之用也

尚上曰于也

女亦罔不克敬典乃由裕民惟文王之敬忌  
乃裕民曰我惟有及則予一人以懌王曰封  
爽惟民迪吉康我時其惟殷先哲王德用康  
乂民作求矧今民罔迪不適不迪則罔政在  
厥邦王曰封予惟不可不監告女德之說于  
罰之行今惟民不靜未戾厥心迪屢未同爽  
惟天其罰殛我我其不怨惟厥罪無在大亦  
無在多矧曰其尚顯聞于天王曰烏呼封敬  
哉無作怨勿用非謀非彝蔽時忱不則敏德  
用康乃心顧乃德遠乃猷裕乃以民寧不女

肆故也

我當作或字謾也

尚土曰干也

遐殄王曰烏呼肆女小子封惟命不于常女  
念哉無我殄享明乃服命高乃聽用康又民  
王若曰往哉封勿替敬典聽朕誥女乃以殷  
民世享

酒誥

惠用揚詩說云

鄭詩所謂未御

即酒誥所謂未

邦沫正康叔始

王若曰明大命于妹邦乃穆考文王肇國在  
西土厥誥恣庶邦庶士越少正御事朝夕曰  
祀茲酒惟天降命肇我民惟元祀天降威我  
民用大亂喪德亦罔非酒惟行越小大邦用  
喪亦罔非酒惟辜文王誥教小子有正有事

惟曰乃曰也

爾猶此純猶誼  
助詞也皆效之  
肇敏也

典猶職也主也

惟猶干

祖猶此也

無彝酒越庶國飲惟祀德將無醉惟曰化我  
民迪小子惟土物愛厥心臧聰聽祖考之彝  
訓越小大德小子惟一妹土嗣爾股肱純其  
藝黍稷奔走事厥考厥長肇牽車牛遠服賈  
用孝養厥父母厥父母慶自洗腆致用酒庶  
士有正越庶伯君子其爾典聽朕教又出爾  
大克羞苟惟君爾乃飲食醉飽不惟曰爾克  
永觀省作稽中德爾尚克羞饋祀爾乃自介  
用逸茲乃允惟王正事之臣茲亦惟天若元  
德永不忘在王家王曰封我西土棗徂邦君

迪詞之用

御事小子尚克用文王教不腆于酒故我至于今克受殷之命王曰封我聞惟曰在昔殷先哲王迪畏天顯小民經德秉哲自成湯咸至于帝乙成王畏相惟御事厥業有恭不敢自暇自逸矧曰其敢崇飲越在外服侯甸男衛邦伯越在內服百僚庶尹惟亞惟服宗工越百姓里居罔敢湏于酒不惟不敢亦不暇惟助成王德顯越尹人祗辟我聞亦惟曰在今後嗣王酣身厥命罔顯于民祗保越怨不曷誕惟厥縱淫泆于非彝用燕喪威儀民罔

越於也

此乃字猶而

雁慶也越于也

自酒孔訓用

不盡傷心惟荒腆于酒不惟自息乃逸厥心疾狠不克畏死辜在商邑越殷國滅無懼弗惟德馨香祀登聞于天誕惟民怨庶群自酒腥聞在上故天降喪于殷罔愛于殷惟逸天非虐惟民自速辜王曰封予不惟若茲多誥古人有言曰人無於水監當於民監今惟殷墜厥命我其可不夫監撫于時予惟曰女劓恣股獻臣侯甸男衛矧大史友內史友越獻臣百宗工矧惟爾事服休服采矧惟若疇圻父薄韋農父若保宏父定辟矧女剛制于酒

矧又也四矧字皆同訓○事與傳同立事曰傳

韋音同作韋者非

迪句中語助也

明勉也

上文云典德朕教之辨使也

厥或誥曰羣飲女勿佚盡執拘以歸于周予其殺又惟殷之迪諸臣惟工乃酒于酒勿庸殺之姑惟教之有斯明享乃不用我教辭惟我一人弗恤弗蠲乃事時同于殺王曰封女典聽朕恣勿辨乃司民酒于酒

梓材

王曰封以厥庶民暨厥臣達大家以厥臣達王惟邦君女若恒越曰我有師師司徒司馬司空尹旅曰予罔厲殺人亦厥君先敬勞肆徂厥敬勞肆往姦宄殺人歷人宥肆亦見厥

肆故也

徂厥二字又見召誥徂且也

亂與率同詞之用為讀為化

敬寡大傳作緜寡緜亦作矜因矜誤為敬也

合由皆錄也

誓計也

堅一本作暨是也說文暨傳塗也既有塗不可復言暨

方苟通

君事戕敗人宥王啓監厥亂為民曰無胥戕無胥虐至于敬寡至于屬婦合由以容王其效邦君越御事厥命曷以引養引恬自古王若茲監罔攸辟惟曰若稽田既勤敷蓄惟其陳修為厥疆畎若作室家既勤垣墉惟其塗堅茨若作梓材既勤樸斲惟其塗丹雘今王惟曰先王既勤用明德懷為夾庶邦享作兄弟方來亦既用明德后式典集庶邦丕享皇天既付中國民越厥疆土于先王肆王惟德用和懌先後迷民用懌先王受命已若茲監

豐舊作鄠洛當  
作雒

若猶若干若而  
之若來猶爾來  
已來之來

翼應作翌下同

若翌日當作越  
漢志引武成惟  
一月壬辰旁死  
霸若翌日癸巳  
今或成作越翌

惟曰欲至于萬年惟王子子孫孫永保民

召誥

成王在豐欲宅洛邑使召公先相宅作召  
誥

惟二月既望越六日乙未王朝步自周則至  
于豐惟大保先周公相宅越若來三月惟丙  
午朏越三日戊申大保朝至于洛上宅厥既  
得卜則經營越三日庚戌大保乃以庶殷攻  
位于洛泂越五日甲寅位成若翌日乙卯周  
公朝至于洛則達觀于新邑營越三日丁巳

且蓋因此文  
誤耳或云若猶  
及也至也

旅陳也

祖且也瘳與知切

用牲于郊牛二越翼自戊午乃社于新邑牛  
一羊一豕一越七日甲子周公乃朝用書命  
庶殷侯甸男邦伯厥既命殷庶庶殷丕作大  
保乃以庶邦冢君出取幣乃復入錫周公曰  
拜手稽首旅王若公誥告庶殷越自乃御事  
烏呼皇天上帝改厥元子茲大國殷之命惟  
王受命無疆惟休亦無疆惟恤烏呼曷其柰  
何弗敬天既遐終大邦殷之命茲殷多先哲  
王在天越厥後王後民茲服厥命厥終智藏  
瘳在夫知保抱攜持厥婦子以哀籲天祖厥

迪用也

也。百讀為勛勳勉也。

矧又也有亦又也自從也。

釋詁曰即猶今也故今亦可訓為即又大誥今蠹今翌日今讀為是

茲慎也

殷上之有字可刪

出執烏呼天亦哀于四方民其眷命用懋  
王其疾敬德相古先民有夏天迪從子保禹  
面稽天若今時既隆厥命今相有殷天迪格  
保面稽天若今時既隆厥命今冲子嗣則無  
遺壽考曰其稽我古人之德矧曰其有能稽  
謀自天烏呼有王雖小元子哉其不能誠于  
小民今休王不敢後用顧畏于民庶王來紹  
上帝自服于土中且曰其作大邑其自時配  
皇天毖祀于上下其自時中又王厥有成命  
治民今休王先服有殷御事比介于我有周

邁勉也  
魏子才曰關西  
方言致力于堂  
事為所

若猶其也

知今字難解疑  
有誤

御事節性惟日其邁王敬作所不可不敬德  
我不可不監于有夏亦不可不監于有殷我  
不敢知曰有夏服天命惟有歷年我不敢知  
曰不其延惟不敬厥德乃早墜厥命我不敢  
知曰有殷受天命惟有歷年我不敢知曰不  
其延惟不敬厥德乃早墜厥命今王嗣受厥  
命我亦惟茲二國命嗣若功王乃初服烏呼  
若生子罔不在厥初生自貽哲命今天其命  
哲命吉凶命歷年知今我初服宅新邑肆惟  
王其疾敬德王其德之用祈天永命其惟王

若猶乃也

刑則也

替廢也

末猶終也

末字出立政汲

書皇門解曰萬

子孫用末被先

王之灵光中庸

武王末受命

洛作雒為是禹

貢許之今姑从

省非正也洛水

有九詳見通雅

皇極經世一

卷一

十一

火冒堂齋片

勿以<sub>レ</sub>小民淫用<sub>レ</sub>非彝亦敢殄戮用<sub>レ</sub>乂民若有<sub>レ</sub>功其惟<sub>レ</sub>王位在<sub>レ</sub>德元小民乃惟刑用于<sub>レ</sub>天下越<sub>レ</sub>王顯上下勤恤其<sub>レ</sub>曰我受<sub>レ</sub>天命不若<sub>レ</sub>有夏歷年式勿替<sub>レ</sub>有殷歷年欲<sub>レ</sub>王以小民受<sub>レ</sub>天永命拜<sub>レ</sub>手稽首曰予小臣敢以<sub>レ</sub>王之讐民百君子越<sub>レ</sub>友民保受<sub>レ</sub>王威命明德王未有<sub>レ</sub>成命王亦顯我非敢<sub>レ</sub>然惟<sub>レ</sub>恭奉幣用<sub>レ</sub>共王能祈<sub>レ</sub>天永命

洛誥

召公既相宅周公往經營成周使來告

作洛誥

周公拜<sub>レ</sub>手稽首曰朕復<sub>レ</sub>子明辟王如弗敢<sub>レ</sub>及天基命定命予乃胤保<sub>レ</sub>大相東土其基作<sub>レ</sub>民明辟予惟<sub>レ</sub>乙卯朝至于<sub>レ</sub>洛師我<sub>レ</sub>上河朔黎水我乃<sub>レ</sub>上澗水東瀍水西惟<sub>レ</sub>洛食我又<sub>レ</sub>上瀍水東亦惟<sub>レ</sub>洛食佯來以<sub>レ</sub>圖及獻<sub>レ</sub>上王拜<sub>レ</sub>手稽首曰公不<sub>レ</sub>敢不敬<sub>レ</sub>天之休來相<sub>レ</sub>宅其作<sub>レ</sub>周匹休公既定<sub>レ</sub>宅佯來來視<sub>レ</sub>予上休恒吉我二人共負<sub>レ</sub>公其以<sub>レ</sub>予萬億年敬<sub>レ</sub>天之休拜<sub>レ</sub>手稽首誨言<sub>レ</sub>周公曰王肇稱<sub>レ</sub>殷禮祀于<sub>レ</sub>新邑咸秩<sub>レ</sub>無文

基始也

文讀為紊紊乱也

皇極經世一

卷一 洛誥

十一

因禮堂齋版



曰与爰同

燄舊作炎是

明勉也

頒分也

予齊百工。佯從王于周。予惟曰：庶有事。今王即命，曰：記功宗，以功作元祀。惟命曰：女受命，篤弼，不視功載，乃女其悉自教。工孺子其朋，孺子其朋，慎其往，無若火始燄燄，厥攸灼敘，弗其絕厥若。彝及撫事，如予惟以在周。工往新邑，佯鄉，即有僚，明作有功，惇大成裕，女永有辭。公曰：已。女惟冲子，惟終，女其敬識百辟，享亦識其有不享，享多儀，儀不及物，惟曰不享，惟不役志于享。凡民惟曰：不享，惟事其爽，侮。乃惟孺子頒朕不暇聽，朕教女于棊，民彝。

覆与孟同孟勉也

明亦勉已見前

庚來也

迓舊作御為是

迪乱迪將之迪字當為乃將猶扶進也

女乃是不覆，乃時惟不永哉。篤敘乃正父，罔不若予，不敢廢乃命。女往敬哉，茲予其明農哉。彼裕我民，無遠用戾。王若曰：公明保予冲子。公稱丕顯德，以予小子揚文武烈，奉答天命。和恒四方，民居師，惇宗將禮，稱秩元祀，咸秩無文。惟公德明光于上下，勤施于四方，作穆穆迓衡，不迷文武，勤教予冲子。夙夜綏祀，王曰：公功棊迪，篤罔不若時。王曰：公予小子，其退，即辟于周。命公後四方，迪亂未定于宗禮，亦未克救。公功迪將，其後監我士師，工

乱与率通率詞也下文乱為四方新辟乱字与此同○哉与我形相近字之誤也

莊寶璣曰朕當作訓說文人部曰朕古文以為訓字尚書賞是本作侯後改作朕耳作雒本武王之意見逸周書故曰弘訓單厚也

誕保文武受民亂為四輔王曰公定予往已公功肅將祇歡公無困哉我惟無斃其康事公勿替刑四方其世享周公拜手稽首曰王命予來承保乃文祖受命民越乃光烈考武王弘朕共孺子來相宅其大惇典殷獻民亂為四方新辟作周恭先曰其自時中又萬邦咸休惟王有成績予且以多子越御事篤前人成烈答其師作周孚先考朕昭子刑乃單文祖德伴來愆殷乃命寧予以秬鬯二白曰明禋拜手稽首休享予不敢宿則禋于文王

自辜字譌

歲恐衍

武王惠篤敘無有違自疾萬年厭于乃德殷乃引考王伴殷乃承敘萬年其永觀朕子懷德戊辰王在新邑烝祭歲文王駢牛一武王駢牛一王命作冊逸祝冊惟告周公其後王賓殺禮咸格王入太室裸王命周公後作冊逸誥在十有二月惟周公誕保文武受命惟七年

多士  
成周既成遷殷頑民周公以王命誥作多士

多士  
因夏堂藏版

弋馬本作翼取也鄭云翼猶驅也○固怙也

明畏乎明威同

恤慎也

惟三月周公初于新邑洛用告商王土王若曰爾殷遺多士弗弔旻天大降喪于殷我有周佑命將天明威致王罰勅殷命終于帝肆爾多士非我小國敢弋殷命惟天不畀允罔固亂弼我我其敢求位惟帝不畀惟我下民秉爲惟天明畏我聞曰上帝引逸有夏不適逸則惟帝降格鄉于時夏弗克庸帝大淫泆有辭惟時天罔念聞厥惟廢元命降致罰乃命爾先祖成湯革夏俊民甸四方自成湯至于帝乙罔不明德恤祀亦惟天丕建保乂有

丕語詞  
適從也

猷舊在告之字下爲是見大誥及微子之命

殷王亦罔敢失帝罔不配天其澤在今後嗣王誕罔顯于天矧曰其有聽念于先王勤家誕淫厥泆罔顧于天顯民祗惟時上帝不保降若茲大喪惟天不畀不明厥德凡四方小大邦喪罔非有辭于罰王若曰爾殷多士今惟我周王不靈承帝事有命曰割殷告勅于帝惟我事不貳適惟爾王家我適予其曰惟爾洪無度我不爾勗自乃邑予亦念天即于殷大戾肆不正王曰猷告爾多士予惟時其遷居西爾非我一人奉德不康寧時惟天

有讀為或

簡在字見湯誥

率用肆緩也

逖舊作邊為是

舜典五品不遜  
說文引作不遜  
遜訓順

攸用也

按幹旁今与介  
相似恐爾字誤

命無違朕不敢有後無我怨惟爾知惟殷先  
 人有冊有典殷革夏命今爾又曰夏迪簡在  
 王庭有服在百僚予一人惟聽用德肆予敢  
 求爾于天邑商予惟率肆矜爾非予罪時惟  
 天命王曰多士昔朕來自奄予大降爾四國  
 民命我乃明致天罰移爾遐逝比事臣我宗  
 多遜王曰告爾殷多士今予惟不爾殺予惟  
 時命有申今朕作大邑于茲洛予惟四方罔  
 攸賓亦惟爾多士攸服奔走臣我多遜爾乃  
 尚有爾土爾乃尚寧幹止爾克敬天惟畀矜

其在受德散周  
礼大司寇注民

不懲作勞  
昏或作散皆訓  
強康帶散不畏  
死

越其猶云爰乃  
奉持其痛恫自  
若不改則後悔  
之於身無所及  
也

下文云罰及尔  
身弗可悔此例  
之

儉民立政作儉  
人說文引作懋  
民云懋疾利口  
也否經殘碑作  
散散即散也古  
文作檢今文作  
散懋与儉義同

予大享于先王爾祖其從與享之作福作災  
 予亦不敢動用非德予告女于難中篇告若  
 射之有志女無侮老成人無弱孤有幼各長  
 于厥居勉出乃力聽予一人之作猷應前猷無  
 有遠邇應前毒用罪伐厥死非動用用德彰  
 厥善非動用邦之臧惟女衆邦之不臧惟予  
 一人有佚罰凡爾衆其惟致告自今至于後  
 日各共爾事齊乃位度乃口罰及爾身弗可  
 悔

盤庚中

古詩書

卷二

七

因震

而音異、  
左傳隱六年莊  
十四年並引之  
皆曰惡之易也  
如火之燎于原  
云云今書中無  
惡之易也四字  
王裁云惡之易  
也四字隱括上  
文女不和吉言  
已下七十餘字  
負按不言刑罰  
以譬喻遣之故  
云我撲滅女者  
女衆人自作弗  
靖之所致非我  
有咎也中篇云  
我乃剿殄滅之  
無遺育靖安靜  
也多方自作弗  
和又康誥多矣

盤庚作惟涉河以民遷乃誥民之弗率誕告  
用壹其有衆咸造勿戮在王庭盤庚乃登進  
厥民曰明聽朕言無荒失朕命烏呼古我前  
作一本  
后罔不惟民之承保后昏戚鮮以不淨  
于天時殷降大虐先王不懷厥攸作視民利  
用遷女曷弗念我古后之聞承女應上文俾  
如惟喜康共非女有咎比于罰予若率上顯篇  
懷茲新邑懷來也亦惟女故以不從厥志今予  
將試以女遷安定厥邦女不憂朕心之攸罔  
乃咸大不宜乃心欽念以忱動予一人爾惟

鮮當作于石經  
及漢書谷永傳  
引書皆作惠于  
長吳同  
供唐石經以上  
俱作共下同

訓說教也若順  
也

不知稼穡之艱難不聞小人之勞惟耽樂之  
從自時厥後亦罔或克壽或十年或七八年  
或五六年或四三年周公曰烏呼厥亦惟我  
周大王王季克自抑畏文王昇服即康功田  
功徽柔懿共懷保小民惠鮮鰥寡自朝至于  
日中晷不遑暇食用咸和萬民文王不敢盤  
于遊田以庶邦惟正之供文王受命惟中身  
厥享國五十年周公曰烏呼繼自今嗣王則  
其無淫于觀于逸于遊于田以萬民惟正之  
供無皇曰今日耽樂乃非民攸訓非天攸若

聽聖字古音同  
今文作不聖  
訓順也  
否不

時人不則有愆無若殷王受之迷亂酌于酒  
德哉周公曰烏呼我聞曰古之人猶昏訓告  
昏保惠昏教誨民無或昏講張為幻此厥不  
聽人乃訓之乃變亂先王之正刑至于小大  
民否則厥心違怨否則厥口詛祝周公曰烏  
呼自殷王中宗及高宗及祖甲及我周文王  
茲四人迪哲厥或告之曰小人怨女詈女則  
皇自敬德厥愆曰朕之愆允若時不啻不敢  
含怒此厥不聽人乃或講張為幻曰小人怨  
女詈女則信之則若時不永念厥辟不寬綽

皇暇也允誥詞

乱之字義見梓  
材

厥心亂罰無罪殺無辜怨有同是叢于厥身  
周公曰烏呼嗣王其監于茲

君奭

召公為保周公為師相成王為左右召公  
不說周公作君奭

若猶惟也

周公若曰君奭弗弔天降喪于殷殷既墜厥  
命我有周既受我不敢知召誥曰厥基永宇  
于休若天棗忱我亦不敢知曰其終出于不  
祥烏呼君已曰時我我亦不敢寧于上帝命  
弗永遠念天威越我民罔尤違惟人在我後

乃猶若也

道馬融本作迪是也訓為乃不語詞不庸何也

若猶如此也下皆效之

率同聿聿辭也

所語助也

嗣子孫大弗克共上下遏佚前人光在家不知天命不易天難諶乃其墜命弗克經歷嗣前人共明德在今予小子且非克有正迪惟前人光施于我冲子又曰天不可信我道惟寧王德延天不庸釋于文王受命公曰君奭我聞在昔成湯既受命時則有若伊尹格于皇天在太甲時則有若保衡在大戊時則有若伊陟臣扈格于上帝巫咸又王家在祖乙時則有若巫賢在武丁時則有若甘盤率惟茲有陳保又有殷故殷禮陟配天多歷年所

實与寔通是可為語詞實亦同孫疏又同艾釋詰云艾相也

亂字見梓材

古字割害通用申當作殷

迪用也

純猶誕詞也

天惟純佑命則商實百姓王人罔不秉德明恤小臣屏侯甸矧威奔走惟茲惟德稱用又厥辟故一人有事于四方若卜筮罔不是孚公曰君奭天壽平格保又有殷有殷嗣天滅威今女永念則有固命厥亂明我新造邦公曰君奭在昔上帝割申勸寧王之德其集大命于厥躬惟文王尚克修和我有夏亦惟有若魏叔有若閔夫有若散宜生有若泰顛有若南宮括又曰無能往來茲迪彝教文王蔑德降于國人亦惟純佑秉德迪知天威乃惟

巨

君奭

因震堂藏版

冒馬本作勛勉也懋亦通作勛  
哉恐越字誤  
將奉也行也

游訓行最同冒

上文在今應在  
昔上文昔在應  
今在

肆今也

明勛猶勉懋也

衆讀如承

時昭文王迪見冒聞于上帝惟時受有殷命  
哉武王惟茲四人尚迪有祿後暨武王誕將  
天威咸劉厥敵惟茲四人昭武王惟冒不單  
稱德今在予小子且若游大川予往暨女奭  
其濟小子同未<sub>レ</sub>在位誕無我責收罔勗不及  
者造德不降我則鳴鳥不聞矧曰其有能格  
公曰烏呼君肆其監于茲我受命無疆惟休  
亦大惟艱告君乃猷裕我不以後人迷公曰  
前人敷乃心乃悉命女作女民極曰女明勗  
偶王在亶乘茲大命惟文王德丕承無疆之

釋詁云允誠也

古無答字合即  
答也○哉語詞  
無意義

冒勉也

天越民應前天  
威越我民  
惟乃知應前不  
敢知

恤公曰君告女朕允保奭其女克敬以予監  
于殷喪大否肆念我天威予不允惟若茲誥  
予惟曰襄我二人女有合哉言曰在時二人  
天休滋至惟時二人弗戢其女克敬德明我  
俊民在讓後人于丕時烏呼篤棐時二人我  
式克至<sub>レ</sub>今日休我臧成文王功于不怠丕  
冒海隅出日罔不率俛公曰君予不惠若茲  
多誥予惟用闕于天越民公曰烏呼君惟乃  
知民德亦罔不能厥初惟其終祗若茲往敬  
用治

夏之尚書賈

卷下

蔡仲之命

卅一

因夏堂藏版



蔡仲之命鄭云

蔡叔既沒。王命蔡仲踐諸侯位。作蔡仲之命。

惟周公位冢宰。正百工。群叔流言。乃致辟管叔于商。囚蔡叔于郭鄰。以車七乘。降霍叔于庶人。三年不齒。蔡仲克庸祗德。周公以為卿士。叔卒。乃命諸王。邦之。蔡王若曰。小子胡。惟爾率德。改行克慎。厥猷肆予命。爾侯于東土。往。即乃封。敬哉。爾尚蓋前人之愆。惟忠惟孝。爾乃邁迹。自身克勤。無怠。以垂憲。乃後率乃

皇天無親至終以困窮乎大甲下篇文大同

率自猶率由也

踐奄踐者藉之也藉者謂殺其身執其家藉其官

祖文王之彝訓。無若爾考之違。王命皇天無親。惟德是輔。民心無常。惟惠之懷。為善不同。同歸于治。為惡不同。同歸于亂。爾其戒哉。慎厥初。惟厥終。終以不困。不惟厥終。終以困窮。懋乃攸績。睦乃四隣。以蕃王室。以和兄弟。康濟小民。率自中。無作聰明。亂舊章。詳乃視聽。罔以側言。改厥度。則予一人女。嘉王曰。烏呼。小子胡。女往哉。無荒棄朕命。

成王東伐淮夷。遂踐奄。作成王政。成王既踐奄。將遷其君於蒲姑。周公告召公。作將

蒲如字徐又扶  
各及馬本作薄  
周本紀作薄

蒲姑鄭云皆亡

多方

成王歸自奄在宗周誥庶邦作多方

猷於也宜移告  
字下已見前篇

惟五月丁亥王來自奄至于宗周周公曰王  
若曰猷告爾四國多方惟爾股侯尹民我惟  
大降爾命爾罔不知洪惟圖天之命弗永寅  
念于祀惟帝降格于夏有夏誕厥逸不肯戚  
言于民乃大淫昏不克終日勸于帝之迪乃  
爾攸聞厥圖帝之命不克聞于民之麗乃大  
降罰崇亂有夏因甲于內亂不克靈承于旅

甲狎也宗終也

舒惰也舒同緩  
終極慢也

叨貪也

墜者念戾也

欽與厥同與也

純助詞

恭共同作共為  
是

能本作克  
簡擇也

罔不惟進之恭洪舒于民亦惟有夏之民叨  
墜日欽劓割夏邑天惟時求民主乃大降顯  
休命于成湯刑殄有夏惟天不弇純乃惟以  
爾多方之義民不克永于多享惟夏之恭多  
士大不克明保享于民乃惟昏虐于民至于  
百為大不能聞乃惟成湯克以爾多方簡代  
夏作民主慎厥麗乃勸厥民刑用勸以至於  
帝乙罔不明德慎罰亦克用勸要囚殄戮多  
罪亦克用勸開釋無辜亦克用勸今至于爾  
辟弗克以爾多方享天之命烏呼王若曰誥

多方

多方

七

因

釋文洪又作份  
馬本作屑云過  
也失音古音同  
間代也

暇本作夏夏之  
言假假亦暇也  
暇亦假也假借  
間暇其義相兼  
通用此須暇云  
待假也  
典同敷敷王也

告爾多方。非天庸釋有夏。非天庸釋有殷。乃  
惟爾辟。以爾多方。大淫圖天之命。屑有辭。乃  
惟有夏圖厥政。不集于享。天降時喪。有邦間  
之。乃惟爾商後王。逸厥逸。圖厥政。不蠲烝天  
惟降時喪。惟聖罔念作狂。惟狂克念作聖。天  
惟五年。須夏之子孫。誕作民主。罔可念聽。天  
惟求爾多方。大勳以威。開厥顧天。惟爾多方  
罔堪。顧之。惟我周王。靈承于旅。克堪用德。惟  
典神天。天惟式教。我用休簡。昇殷命。予爾多  
方。今我曷敢多誥。我惟大降爾四國民命。爾

釋材云懷為夾

政治也

惠順庶廣也

屑字見前屑播  
亦洪兼乎

猷字已見前應  
移于告字下

曷不忱裕之于爾多方。爾曷不夾介乂我周  
王。享天之命。今爾尚宅爾宅。畋爾田。爾曷不  
惠王。熙天之命。爾乃迪屢不靜。爾心未愛。爾  
乃不大宅天命。爾乃屑播天命。爾乃自作不  
典。圖忱于正。我惟時其教。告之。我惟時其戰。  
要囚之。至于再。至于三。乃有不用。我降爾命。  
我乃其大罰。殛之。非我有周。秉德不康寧。乃  
惟爾自速。享王曰。嗚呼。猷告爾有方。多士暨  
殷多士。今爾奔走。臣我監。五祀。越惟。有昏伯  
小大多在。爾罔不克。臬自作不和。爾惟和哉。

古詩書讀

卷下 多方

廿四

因夏堂藏版

本本作邊  
探取也

爾室不賸爾惟和哉爾邑克明爾惟克勤乃  
事爾尚不忌于凶德亦則以穆穆在乃位克  
閱于乃邑謀介爾乃自時洛邑尚永力畋爾  
田天惟昇矜爾我有周惟其大介賚爾迪簡  
在王庭尚爾事有服在大僚王曰烏呼多士  
爾不克勸忱我命爾亦則惟不克享凡民惟  
曰不享爾乃惟逸惟頗大遠王命則惟爾多  
方探天之威我則致天之罰離逖爾土王曰  
我不惟多誥我惟祗告爾命又曰時惟爾初  
不克敬于和則無我怨

迪惟出君爽迪  
發語詞也

謀敏通用敏閱  
也面讀為酌酌  
勉也通雅云閱  
勉閱免僣勉一  
也

立政

周公若曰拜手稽首告嗣天子王矣用咸戒  
于王曰左右常伯常任準人綴衣虎賁周公  
曰嗚呼休茲知恤鮮哉古之人迪惟有夏乃  
有室大競顛俊尊上帝迪知忱恂于九德之  
行乃敢告教厥后曰拜手稽首后矣曰宅乃  
事宅乃牧宅乃準茲惟后矣謀而用丕訓德  
則乃宅人茲乃三宅無義民桀德惟乃弗作  
往任是惟暴德罔後亦越成湯陟不釐上帝

百由之誤用也

警強勉也

灼本作焯明也

之耿命乃用三有宅克即宅曰三有俊克即  
俊嚴惟丕式克用三宅三俊其在商邑用協  
于厥邑其在四方用丕式見德嗚呼其在受  
德警惟羞刑暴德之人同于厥邦乃惟庶習  
逸德之人同于厥政帝欽罰之乃侔我有夏  
式商受命奄旬萬姓亦越文王武王克知三  
有宅心灼見三有俊心以敬事上帝立民長  
伯立政任人準夫牧作三事虎賁綴衣趣馬  
小尹左右攜僕百司庶府大都小伯藝人表  
臣百司大史尹伯庶常吉士司徒司馬司空

遺音古通音回也  
率語詞救從也  
謀敏也見洪範

丕不也古不丕  
忝同音丕顯詩  
作不顯可以見  
耳  
末字見召誥

亞旅夷微廬烝三亳阪尹文王惟克厥宅心  
乃克立茲常事司牧人以克俊有德文王罔  
攸兼于庶言庶獄庶慎惟有司之牧夫是訓  
用違庶獄庶慎文王罔敢知于茲亦越武王  
率惟救功不敢替厥義德率惟謀從容德以  
並受此丕丕基嗚呼孺子王矣繼自今我其  
立政立事準人牧夫我其克灼知厥若丕乃  
俛亂相我受民和我庶獄庶慎時則勿有間  
之自一話一言我則未惟成德之彥以又我  
受民嗚呼予且已受人之徽言咸告孺子王

矣。繼自今。文子文孫。其勿誤于庶獄。庶慎。惟正是。人之自。古商人。亦越我周文王。立政立事。牧夫準人。則克宅之。克由繹之。茲乃俾乂國。則罔有立政。用儉人不訓于德。是罔顯在厥世。繼自今。立政其勿以儉人。其惟吉士。用勩相我國家。今文子文孫。孺子王矣。其勿誤于庶獄。惟有司之牧夫。其克詰爾戎兵。以陟禹之迹。方行天下。至于海表。罔有不服。以觀文王之耿光。以揚武王之烈。嗚呼。繼自今後王立政。其惟克用常人。周公若曰。太史司

齊語方行于天下注方當作橫

寇蘇公。式敬爾由獄。以長我王國。茲式有慎。以列用中罰。

周官 鄭云

成王既黜殷命。滅淮夷。還歸在豐。作周官。惟周王撫萬邦。巡侯甸。四征弗庭。綏厥兆民。六服群辟。罔不承德。歸于宗周。董正治官。王曰。若昔大猷。制治于未亂。保邦于未危。曰。唐虞稽古。建官惟百。內有百揆。四岳外有列牧。侯伯。庶政惟和。萬國咸寧。夏商官倍。亦克用乂。明王立政。不惟其官。惟其人。今予小子祗

通雅云不庭一作不亭不享

迪用也

勤于德。夙夜不逮。仰惟前代。時若訓迪。厥官立。太師太傅大保。茲惟三公。論道經邦。燮理陰陽。官不必備。惟其人少。師少。傅少。保曰。三孤。貳公。弘化寅亮。天地弼予一人。冢宰掌邦治。統百官。均四海。司徒掌邦教。敷五典。擾兆民。宗伯掌邦禮。治神人。和上下。司馬掌邦政。統六師。平邦國。司寇掌邦禁。詰姦慝。刑暴亂。司空掌邦土。居四民。時地利。六卿分職。各率其屬。以倡九牧。阜成兆民。六年。五服一朝。又六年。王乃時巡。考制度于四岳。諸侯各朝于

周禮云擾安也

方岳。大明黜陟。王曰。嗚呼。凡我有官。君子欽。乃攸司。慎乃出令。令出惟行。弗惟反。以公滅私。民其允懷。學古入官。議事以制。政乃不迷。其爾典常。作之師。無以利口。亂厥官。蓄疑敗謀。怠忽荒政。不學牆面。莅事惟煩。戒爾卿士。功崇惟志。業廣惟勤。惟克果斷。乃罔後艱。位不期驕。祿不期侈。恭儉惟德。無載爾僞。作德心逸。日休。作僞心勞。日拙。居寵思危。罔不惟畏。弗畏入畏。推賢讓能。庶官乃和。不和政廢。舉能其官。惟爾之能。稱匪其人。惟爾不任。王

曰。嗚呼。三事暨大夫。敬爾有官。亂爾有政。以佑乃辟。永康兆民。萬邦惟無斁。

成王既伐東夷。肅慎來賀。王俾榮伯作賄。肅慎之命。周公在豐。將汝欲葬。成周公薨。

成王葬于畢。告周公作毫姑。鄭云皆亡

君陳鄭云

周公既沒。命君陳分正東郊。成周作君陳。王若曰。君陳。惟爾令德。孝恭惟孝。友于兄弟。克施有政。命女于茲東郊。敬哉。昔周公師保萬民。民懷其德。往慎乃司。茲率厥常。懋昭周

恭論語作乎乎本  
作于

由用也

公之訓。惟民其乂。我聞曰。至治馨香。感于神明。黍稷非馨。明德惟馨。爾尚式時。周公之猷訓。惟日孜孜。無敢逸豫。凡人未見聖。若不克見。既見聖。亦不克由。聖爾其戒哉。爾惟風。下民惟艸。圖厥政。莫或不艱。有廢有興。出入自爾師。虞庶言同。則繹爾有嘉謀。嘉猷。則入告爾后。后于內。爾乃順之于外。曰。斯謀斯猷。惟我后之德。嗚呼。臣人咸若。時惟良顯哉。王曰。君陳。爾惟弘周公不訓。無依勢作威。無倚法以削寬。而有制從容。以和殷民。在確。予曰。辟爾

順訓通用教也



惟勿辟予曰宥爾惟勿宥惟厥中有弗若于  
女政弗化于女訓辟以止辟乃辟狃于姦完  
敗常亂俗三細不宥爾無忿疾于頑無求備  
于一夫必有怒其乃有濟有容德乃大簡厥  
修亦簡其或不修進厥良以率其或不良惟  
民生厚因物有遷違上所命從厥攸好爾克  
敬典在德時乃罔不變允升于大猷惟予一  
人膺受多福其爾之休終有辭於永世

顧命

成王將崩命召公畢公率諸侯相康王作

頽一作沫一作  
頽洮音徒高反  
頽音呼內反

顧命

惟四月哉生魄王不懌甲子王乃洮頽水相  
被冕服憑玉几乃同召太保奭苒伯彤伯畢  
公衛侯毛公師氏虎臣百尹御事王曰嗚呼  
疾太漸惟幾病日臻既彌留恐不獲誓言嗣  
茲予審訓命女昔君文王武王宣重光奠麗  
陳教則肄肄不違用克達殷集大命在後之  
侗敬迓天威嗣守文武大訓無敢昏逾今天  
降疾殆弗興弗悟爾尚明時朕言用敬保元  
子釗弘濟于艱難柔遠能邇安勸小大庶邦

迓天寶以前必  
作御衛包改作  
迓非也應作御  
昏與泯通  
明勉時承也

冒釋文作易黃  
作發下辨及手  
俗同非幾宜作  
非夷見周書皇  
門解

須需也

思夫人自亂于威儀爾無以釗冒貢于非幾  
茲既受命還出綴衣于庭越翌日乙丑王崩  
太保命仲桓南宮毛俾爰齊侯呂伋以一千  
戈虎賁百人逆于釗于南門之外延入翼室  
恤宅宗丁卯命作冊度越七日癸酉伯相命  
士須材狄設黼辰綴衣黼間南嚮敷重篋席  
黼純萃玉仍几西序東嚮敷重底席綴純文  
貝仍几東序西嚮敷重豐席畫純彫玉仍几  
西夾南嚮敷重筍席玄紛純漆仍几越玉五  
重陳寶赤刀大訓弘璧琬琰在西序大玉夷

綴一作贊  
輅當作路輅者  
車輪前橫木別  
一字也皆仿之

鉞本作戊為是  
左傳國語史記  
今皆戊作鉞都  
誤于衛包來

玉天球河圖在東序亂之舞衣太貝鼗鼓在  
西房兂之戈和之弓垂之竹矢在東房大輅  
在賓階面綴輅在阼階面先輅在左塾之前  
次輅在右塾之前二人雀弁執惠立于畢門  
之內四人綦弁執戈上刃夾兩階祀一人冕  
執釗立于東堂一人冕執鉞立于西堂一人  
冕執戣立于東垂一人冕執瞿立于西垂一  
人冕執銳立于側階王麻冕黼裳由賓階降  
卿士邦君麻冕蟻裳入即位太保太史太宗  
皆麻冕彤裳太保承介圭上宗奉同瑁由阼

御者進也

耐省作而耐忍也

宅宅也奠爵酒也

康王既尸之上脫成王崩三字尸主也

階。階。太史秉書由賓階。階。御王冊命曰。皇后憑玉几。道揚末命。命女嗣訓。臨君周邦。率循大示。燮和天下。用答揚文武之光訓。王再拜。興答曰。耿耿予末小子。其能而亂四方。以敬忌天威。乃受同瑁。王三宿三祭三咤。上宗曰。饗。太保受同降盥。以異同秉璋。以酢授宗人。同拜。王答拜。太保受同祭。齊宅。授宗人同拜。王答拜。太保降收。句一字諸侯出廟門俟。

西康王之誥。天子遂誥諸侯作康王之誥。

義訓宜

姜若當作厥命以字形似誤新成王言勅讀與王即成王勅收也收讀與施同

王出在應門之內。太保率西方諸侯入應門。左畢公率東方諸侯入應門。右皆布乘黃朱。賓稱奉主兼幣曰。一二臣衛。敢執壤奠。皆再拜稽首。王義嗣德。答拜。太保暨芮伯咸進相揖。皆再拜稽首曰。敢敬告天子。皇天改大邦殷之命。惟周文武誕受姜若。克恤西土。惟新陟王。畢協賞罰。戡定厥功。用敷遺後人。休今王敬之哉。張皇六師。無壞我高祖寡命。王若曰。庶邦侯甸男衛。惟予一人釗。報誥昔君文武。不平富不務咎。底至齊信。用昭明于天下。

綏本作綏綏繼也  
厥若恐厥命之誤

則亦有熊羆之士不二心之臣保入王家用  
端命于上帝皇天用訓厥道付畀四方乃命  
建侯樹屏在我後之人今予一二伯父尚胥  
暨顧綏爾先公之臣服于先王雖爾身在外  
乃心罔不在王室用奉恤厥若無遺鞠子羞  
羣公既皆聽命相揖趨出王釋冕反喪服

畢命

康王命作冊畢分居里成周郊作畢命  
惟十有二年六月庚午朏越三日壬申王朝  
步自宗周至于豐以成周之衆命畢公保釐

東郊王若曰嗚呼父師惟文王武王敷大德  
于天下用克受殷命惟周公左右先王綏定  
厥家罔殷頑民遷于洛邑密邇王室式化厥  
訓既歷三紀世變風移四方無虞予一人以  
寧道有升降政由俗革不臧厥臧民罔攸勸  
惟公懋德克勤小物彌亮四世正色率下罔  
不祗師言嘉績多于先王予小子垂拱仰成  
王曰嗚呼父師今予祗命公以周公之事往  
哉旌別淑慝表厥宅里彰善癉惡樹之風聲  
夙率訓典殊厥井疆俾克畏慕申畫郊圻慎

固封守以康四海。政貴有恒，辭尚體要，不惟好異，商俗靡靡，利口惟賢，餘風未殄。公其念哉！我聞曰：世祿之家，鮮克由禮，以蕩陵德，實悖天道，敝化奢麗，萬世同流，茲殷庶士，席寵惟舊，怙侈滅義，服美于人，驕淫矜侈，將由惡終，雖收放心，閑之惟艱，資富能訓，惟以永年，惟德惟義，時乃大訓，不由古訓，于何其訓！王曰：嗚呼！父師邦之安危，惟茲殷士，不剛不柔，厥德允修，惟周公克慎，厥始，惟君陳克和，厥中，惟公克成，厥終，三后協心，同底于道，道洽

政治澤潤生民，四夷左衽，罔不咸賴，予小子永膺多福，公其惟時，成周建無窮之基，亦有無窮之聞，子孫訓其成式，惟乂。嗚呼！罔曰弗克，惟既，厥心罔曰民寡，惟慎厥事，欽若先王，成烈以休于前政。

君牙鄭云

穆王命君牙為周大司徒，作君牙

王若曰：嗚呼！君牙，惟乃祖乃父，世篤忠貞，服勞王家，厥有成績，紀于太常，惟予小子嗣守文武成康遺緒，亦惟先王之臣克左右亂四

式用也

禮縮水篇君雅曰夏日暑雨小民惟曰怨咨冬祁寒小民亦惟曰怨

方心之憂危若踏虎尾涉于春水今命爾予翼作股肱心膂纘乃舊服無忝祖考弘敷五典式和民則爾身克正罔敢弗正民心罔中惟爾之中夏暑雨小民惟曰怨咨冬祁寒小民亦惟曰怨咨厥惟艱哉思其艱以圖其易民乃寧嗚呼丕顯哉文王謨丕承哉武王烈啓佑我後人咸以正罔缺爾惟敬明乃訓用奉若于先王對揚文武之光命追配于前人王若曰君牙乃惟由先正舊典時式民之治亂在茲率乃祖考之攸行昭乃辟之有乂

罔命

鄭云

穆王命伯罔為周大僕正作罔命

王若曰伯罔惟予弗克于德嗣先人宅丕后

怵惕惟厲中夜以興思免厥愆昔在文武聰

明齊聖小大之臣咸懷忠良其侍御僕從罔

匪正人以旦夕承弼厥辟出入起居罔有不

欽發號施令罔有不臧下民祗若萬邦咸休

惟予一人無良實賴左右前後有位之士匡

其不及繩愆糾謬格其非心俾克紹先烈今

予命女作大正正于羣僕侍御之臣懋乃后

周易夕惕若雖厲无咎

瘵病也

德交修不逮慎簡乃僚無以巧言令色便辟  
側媚其惟吉士僕臣正厥后克正僕臣諛厥  
后自聖后德惟臣不德惟臣爾無昵于儉人  
充耳目之官迪上以非先王之典非人其吉  
惟貨其吉若時瘵厥官惟爾大弗克祗厥辟  
惟予女辜王曰嗚呼欽哉永弼乃后于彝憲

呂刑

呂命穆王訓夏贖刑作呂刑

惟呂命王享國百年耄荒度作刑以詰四方  
王曰若古有訓蚩尤惟始作亂延及于平民

馬云度法度也  
詰一作詰  
王字下屬者非  
也至荒方為韻

方南也

罔不寇賊鴟義姦宄奪攘矯虔苗民弗用靈  
制以刑惟作五虐之刑曰法殺戮無辜爰始  
淫爲劓刵椽黥越茲麗刑并制罔差有辭民  
興胥漸泯泯焚焚罔中于信以覆詛盟虐威  
庶戮方告無辜于上帝監民罔有馨香德  
刑發聞惟腥皇帝哀矜庶戮之不辜報虐以  
威遏絕苗民無世在下乃命重黎絕地天通  
罔有降格羣后之逮在下明明棗常鰥寡無  
蓋皇帝清問下民鰥寡有辭于苗德威惟畏  
德明惟明乃命三后恤功于民伯夷降典折

折制也

農勉也

士今文作爰是也

孫疏克者說文云肩也

迪道也

民惟刑禹平水土主名山川稷降播種農殖  
嘉穀二后成功惟殷于民士制百姓于刑之  
中以教祗德穆穆在上明明在下灼于四方  
罔不惟德之勤故乃明于刑之中率乂于民  
棐彝典獄非訖于威惟訖于富敬忌罔有擇  
言在身惟克天德自作元命配享在下王曰  
嗟四方司政典獄非爾惟作天牧今爾何監  
非時伯夷播刑之迪其今爾何懲惟時苗民  
匪察于獄之麗罔擇吉人觀于五刑之中惟  
時庶威奪貨斷制五刑以亂無辜上帝不蠲

格命擬命也

孔本作曰唐石經作日非也

僭假字誤

詳刑今本作祥非

降咎于苗苗民無辭于罰乃絕厥世王曰嗚  
呼念之哉伯父伯兄仲叔季弟幼子童孫皆  
聽朕言庶有格命今爾罔不由慰日勤爾罔  
或戒不勤天齊于民俾我一日非終惟終在  
入爾尚敬逆天命以奉我一人雖畏勿畏雖  
休勿休惟敬五刑以成三德一人有慶兆民  
賴之其寧惟永王曰吁來有邦有土告爾詳  
刑在今爾安百姓何擇非人何敬非刑何度  
非及爾造具備師聽五辭五辭簡孚正于五  
刑五刑不簡正于五罰五罰不服正于五過



來字馬本作求

後或作鈔為是  
鈔力較切錢音  
還○實与寔是  
通語助也○閱  
古字与說通說  
吐治反解釋也

五過之疵。惟官惟反。惟內惟貨。惟來。其罪惟均。其審克之。五刑之疑。有赦。五罰之疑。有赦。其審克之。簡孚有衆。惟貌有稽。無簡不聽。具嚴天威。墨辟疑赦。其罰百鍰。閱實其罪。劓辟疑赦。其罰惟倍。閱實其罪。剕辟疑赦。其罰倍。差閱實其罪。宮辟疑赦。其罰六百鍰。閱實其罪。大辟疑赦。其罰千鍰。閱實其罪。墨罰之屬。千。劓罰之屬。千。剕罰之屬。千。判罰之屬。五百。宮罰之屬。三百。大辟之罰。其屬二百。五刑之屬。三千。上下比罪。無僭亂辭。勿用不行。惟察惟法。其審克。

折孔傳訓斷

啓与敬通說文  
云省視也

成与輸相對為  
文輸之言渝也  
謂變更也

私者自營也

之上刑適輕。下服。下刑適重。上服。輕重諸罰。有權刑罰。世輕世重。惟齊非齊。有倫有要。罰懲非死。入極于厥。非佞折獄。惟良折獄。罔非在中。察辭于差。非從。惟從。哀敬折獄。明啓刑書。胥台成。庶中正。其刑其罰。其審克之。獄成而孚。輸而孚。其刑土備。有并兩刑。王曰。嗚呼。敬之哉。官伯族姓。朕言多懼。朕敬于刑。有德惟刑。今天相民。作配在下。明清于單辭。民之亂罔不中聽。獄之兩辭。無或私家于獄之兩辭。獄貨非審。惟府辜功。報以庶尤。永畏惟罰。

哲讀為折折之言制也

慎者釋詁云誠也昭明也著也

在或為干非

昭事之昭與劍聲相近劍勉也

非天不中惟人在命天罰不極庶民罔有令  
政在于天下王曰嗚呼嗣孫今往何監非德  
于民之中尚明聽之哉哲人惟刑無疆之辭  
屬于五極咸中有慶受王嘉師監于茲詳刑  
文侯之命  
平王錫晉文侯秬鬯圭瓚作文侯之命  
王若曰父義和不顯文武克慎明德昭升于  
上敷聞在下惟時上帝集厥命于文王亦惟  
先正克左右昭事厥辟越小大謀猷罔不率  
從肆先祖懷在位嗚呼閔予小子嗣造天丕

純助詞

克昭之昭一作紹紹繼也扞衛也

愆殄資澤于下民侵戎我國家純即我御事  
罔或者壽俊在厥服予則罔克曰惟祖惟父  
其伊恤朕躬嗚呼有績予一人永綏在位父  
義和女克昭乃顯祖女肇刑文武用會紹乃  
辟追孝于前文人女多修扞我于艱若女予  
嘉王曰父義和其歸視爾師寧爾邦用賚爾  
秬鬯一卣彤弓一彤矢百盧弓一盧矢百馬  
四匹父往哉柔遠能邇惠康小民無荒寧簡  
恤爾都用成爾顯德

費禮記引作榮一作肸一作鮮一作孺今作費

費誓

費禮記引作榮

柴誓

因復進我反

非  
開馬本作關

柴今作費非關  
今作開非

徂且通用且猶  
此今也

殿擇也敵繫連  
也

滔大也或云助  
詞

杜塞也獲胡化  
反爭取也敵奴

協反塞也又乃  
結反按也閉也

今文作獲古文  
從手作獲○商

讀為章章明也

魯侯伯禽宅曲阜

徐夷並興東郊不闢作

費誓

公曰嗟人無譁聽命徂茲淮夷徐戎並興善  
穀乃甲冑敵乃干無敢不弔備乃弓矢鍔乃  
戈矛礪乃鋒刃無敢不善今惟淫舍牝牛馬  
杜乃獲斂乃穿無敢傷牝牝之傷女則有常  
刑馬牛其風臣妾逋逃勿敢越逐祗復之我  
商賚女乃越逐不復女則有常刑無敢寇攘  
踰垣牆竊馬牛誘臣妾女則有常刑甲戌我  
惟征徐戎時乃糗糧無敢不逮女則有大刑

魯人三郊三遂時乃楨幹甲戌我惟築無敢  
不供女則有無餘刑非殺魯人三郊三遂時  
乃芻茭無敢不多女則有大刑

秦誓

秦穆公伐鄭晉襄公帥師敗諸崤還歸作  
秦誓

公曰嗟我士聽無譁予誓告女羣言之首古  
人有言曰民訖自若是多盤責人斯無難惟  
受責俛如流是惟艱哉我心之憂日月逾邁  
若弗云來惟古之謀人則曰未就予忌惟今

此篇用韵嗟与  
譁為韵  
訖竟也多与祗  
同斯猶乃也惟  
獨也○盤難  
韵邁來与憂古  
韵通  
云訓為有又為  
或○逾益也

古文尚書

卷下 秦誓

五十一

因夏堂藏版

將且也○忌与人親叶韵  
猷与攸同語詞之用也○詢  
句中以然為韵○欲与有叶  
馬本論作備  
易辭公羊作易  
息易急猶輕惜  
也○多祇也

遺猶距也

之謀人姑將以為親雖則云然尚猷詢茲黃  
髮則罔所愆番番良士旅力既愆我尚有之  
侏侏勇夫射御不違我尚不欲惟截截善論  
言俾君子易辭我皇多有之昧昧我思之如  
有一介臣斷斷猗無他技其心休休焉其如  
有容人之有技若己有之人之彥聖其心好  
之不啻如自其口出是能容之以保我子孫  
黎民亦職有利哉人之有技冒疾以惡之人  
之彥聖而違之俾亦違是不能容以不能保  
我子孫黎民亦曰殆哉邦之杌隳曰由一人

人与慶古韵

邦之榮懷亦尚一人之慶

古文尚書正讀下畢

五十七

因

五十七

因



二  
身  
丁  
九

孟子通

學庸通

樂名考

烟霞堂藏板

同同同

東都

日本橋通貳丁目

山城屋佐兵衛

書肆

攝陽

心齋橋筋博勞町

河内屋茂兵衛

皇都

東洞院二條上九

木村吉右衛門

烟霞堂藏板

